



Sco in dals emprims en il center da congress è cumpari cusseglier guvernativ Mario Cavigelli.

FOTOS G. N. STGIER



Quai è il «Gigi vo Arosa» da la pld, deputà Rudolf Kunz.

Il sulegl be en la vopna da vischnanca

Arosa: Entschatta da la sessiun «extra muros» dal cussegl grond

DA GION NUTEGN STGIER / ANR

■ **Suenter Samignun, ch'è stà avant trais onns ospitant dal parlament grischun, è da preschent Arosa quel lieu che stat per quatter dis en il center da la politica chantunala. Las autoritadas communalas e la populaziun han purschì ier in bainvegni simpatic a deputadas e deputads.** Cun discurren dad Arosa, alur vegn segir immediat endament che quella vischnanca è in dals pli enconuschents lieus turistic dal Grischun. Arosa è er ina da quellas set vischnancas che han fusiunà il 2012 tar ina. Per atenziun ha quel lieu er procurà cun la colliaziun dal territori da skis cun Lai avant dus onns. Legendars èn lura er anc ils derbis da hockey tranter Arosa e Tavau dals onns 80. Ina da las pli enconuschentas persunas dal lieu turistic è lura stà il «Gigi vo Arosa», in da quels numerus scolasts da skis da la vischnanca en il Scanverg. Da preschent ins vesa ad Arosa nagins scolasts da skis, persunter blers parlamentararis, policists e schurnalists.

Ina onur per Arosa e sia populaziun
Per nus èsi ina onur dad esser ospitants dal parlament grischun, gea schizunt ina gronda onur», ha ditg *Lorenzo Schmid*, il president da la vischnanca dad Arosa. Il lieu fetschia tut per porscher a deputadas e deputads ina dimora empornaivla. Il president communal ha lura er ditg che fin gievgia vegnia Arosa segir a sa preschentar da la pli bella vart grazia al sulegl. Il mument glischa quel be en la vopna da vischnanca e tuttina speria el che tuts passentian in bel temp e cunzunt er ina sessiun cun blera glisch. *Duri Campbell*, l'actual president dal cussegl grond ha engrazià a Lorenzo Schmid ed a las instanzas politicis per avair mess a disposiziun il center da congress cun sia sala per quella sessiun ordvart il bajetg dal parlament a Cuira. Deputadas e deputads sajan vegnids ad Arosa betg mo per sa divertir, mabain en emprima lingia per la lavur parlamentara.

Ina maridaglia parziala da la ps e la pps

Nagina atmosfera da vacanzas per noss umens e nossas dunnas dal parlament

grischun e tuttina han tuts albiert e dunsena en in dals divers hotels dad Arosa. Ils schefs da las fracziuns han en collavuraziun cun deputadas e deputads decidì en tge hotel ch'i vegn pernottà. Ils quatter commembers e la commembra da la regenza stattan foirdal en l'hotel Kulm, ina da las meglras adressas dad Arosa. Sut tetg en quel hotel situà a l'ur da la vischnanca è er la fracziun da la Partida cristiandemocratica, dentant ch'ìls liberals da la Partida liberademocratica èn sa decidids per l'hotel da luxus «Waldhaus National».

Deputadas e deputads da la Partida burgais-democratica passentan la notg en l'hotel «Streff». Surstar fà lura bain che la fracziun da la Partida socialdemocratica stat per quels dis en il medem hotel sco ils set deputads e la deputada da la Partida populara svizra, la pps. Almain per intgins dis èn quellas duas partidas, che sa cumbattan savens sin il champ politic, unidas ed han fatg in matrimoni che cuzza segir be per quel temp da la sessiun «extra muros». Tar las elezziuns d'atun èsi anc betg cler ubain ellas van forsà ina ina comunabla?



Ils deputads e las deputadas èn vegnids retschets cordialmain er dal personal dad Arosa Turissem: Nina Mattli, deputà Andrea Davaz e deputà Jon Pult (da san.).



Èn gia dapi intgins onns en il parlament grischun: Elita Florin-Caluori e Daniel Blumenthal.



Bainvegni ad Arosa. Il deputà indigen Christian Jenny (dretg) beneventa sia collega e ses collega Margrit Darms e René Epp.



Las duas deputadas Sandra Locher-Benguerele e Gaby Thomann-Frank (da san.).